

MANIITSUMI PINAVEERSAARTITSINIKKUT SULINIUTIT ilaat,,.



QEQQATA KOMMUNE

2015

QEQQATA KOMMUNEANI
MEEQQAT INUUSUTTUAQQALLU
PINAVEERSAARTITSINIKKUT
SULINIARFIGINEQARNERANNI
ANGUNIAGASSATUT SIUNNIUSSAT
OQAASERTAASA ilaat IMA ALLAQQAVOQ

„INNUTTAASUT KIKKUUGALUILLUUNNIIT TAMARMIK
PITSAASUMIK PEQQINNARTUMILLU
INUUNEQARNISSAMINNUT PISINNAATITAAPPUT.
ILAQUTARIIT ILAASA NAMMINNEQ TAMANNA
ISUMAGILLUARSINNAAVAAT, ALLALLI ARLAATIGUT
SUKKULLUUNNIIT IKIORNEQARNISSAMINNIK
PISARIAQARTITSILLUTIK. ILAQUTARIIT IMMIKKUT
IKIORNEQARNISSAMINNIK
SAMMINEQARNISAMINNILLUUNNIIT
PISARIAQARTITSIPPATA,
ILAATIGUT SOORLU PINAVEERSAARTITSISUNIK,,,,,

Innuttaasut pinaveersaartitsinikkut sullinniartillugit ilaatigut suliniartuulluni iliussaasinnaasunik tigussaasunik "sakkussanik" eqqarsarnarsisoortarpoq. Qanoq iliorutta angorusutagut angusinnaavagut, imaluunniit sullikkusutagut naammaginartumik qanoq susassaqartissinnaavagut? Minnerunngitsumillu eqqarsalersitsisinnaaneq inuunerinnerulersitsisinnaasorlu qanoq piviusunngortissavarput?

ilaatigut qiviarniartagarput annerpaamik tassaasarunarpaq; aningaasatigut qanoq inissisimavugut? aammalu sumit aningaasalersorniassavarput?

Tassami, suliniarnermi periarfissanik ujarlernissaq taava aallartissinnaanngortarpoq.

**Aningaasaateqarfiit meeqqanut
inuusuttuaqqanut ilaqtariinnullu tunngasumik
suliniartoqartillugu tapersersuisinnaasarput.**

**Minnerunngitsumillu uani Namminersorlutik
Oqartussat Peqqissutsimut pisortaqarfik
aningaasaliissuteqarsimanerat
ikorfartuutaasimaqaaq, soorlu uani sunngiffimmi
attartorneqarsinnaasunik cykkilunik
pisaarniarnermi.**

Suliniutinit ujartukkat ilaatigut

iluatsitat ilagaat:

Cykkilit saniatigut, Rulleskøjtet, pississaarutit
(kangaruutut) skateboard-it.

Ukiuuneranilu:

Sisoraatit,

sisoorutit (kurebræt),

ammiammeerutit (sælskindbræt),

assakaasut gummitarsui,

hee



Cykkilit, oqaluttuassartaat nuannernersaapput.

Familiecenterip ammanerata iluani atorniarneqarsinnaapput. Taakkualu angissutsit arlariipput, meeqqanut mikinerniit anginernut, inersimasuni arnaniit angutinut.

Meeqqat takkuttarput amerlanerit kammagiit, kisimiittut. nuannaarutigisaqisatsinniillu ilaqutariinnguit ataatsimoorlutik attarsisartut arlariit naammattoortarpagut.

Maluginiakkatsinnillu attartortartut taakkuinnaanatik assigiinngiaartut siamasissumik attarsiniartarlutik.

Maluginiakkat pitsaasut arlariipput:

- Piffissarititamik ataqqinnineq, unneqqarinneq.
- Meeqqat sulisunut ataqqinninnerat suliffimmullu mianerinnippasittarnerat – pisortaqarfinnut saaffiginneriaaseqarneq isiginneriaaseqarnerlu
- Qiimaqatigiinneq.
- Angajoqqaat meeqqallu sammisaqatigiinnerat

Atukkat atortuinik akisussaaffeqarneq, hjelmit, ikusequtit iluarsisassaqarpallu nalunaarnerit.

**Taama attartortitsisinnaaneq periarfissaritinneqarnera
innuttaasut - pingaartumik atuisuusut - minnerunngitsumik
meeqqat naammagisimaarlugulu toqqissisimanartikkaat
malunnartarpoq.**

**Aasaanerani silallu atoruminarnerani attartorniartut arlariit
saaffiginnikkaangamik qaleriissaattoorlutik arlariit
utaqqiinnartariaqartaraluarlutik atorsimasut
utertitserernissaanut saaffiginneqqinnissartik
tigulluartaapaat.**

**Ilami naammagittaalliornernik sumilluunniit
tusagaqarsimanngilagut suli maannamut.**

Ingerlariaqqittoqartoq

Aamma nalaappagut ilaqtariit taamatut saaffiginnillutik cykkilunik attartorsimasut kingorna, meerartik cykkilitaartissimagaat – soorunami taamatut ingelariaqqittoqarsimanagera kinguneqartinneqarnera uaguulluuni nuannerluinnarpoq.

Uani suliniummi, cykkiliniq allanik attartorneqarsinnaasunik Maniitsumi FamilieCenterimi peqarnitsinnut Miljøarbejderit sulilluarsimanerannit ikiuulluarsimanerannillu peqputaaqataalluinnarpoq.

Meeqqat nakkutigisariaqartut aammalumi arlariullutik assigiinngitsunik aanngajaarniutitut samminninniartarsimanerat paasineqartillugu Miljøarbejderit samminnillutik minnerunngitsumillu sammisassaqaqtitsiniartarnernut periarfissarsiullaqqinnerat matumani eqqaanngitsoorusunnangilaq. Pinaveersaartitsineq tassaaginnartariaqanngimmat paasisitsiniaaneq qaammarsaanerlu aammali suleqatigisinnaasat peqatigalugit aaqqissueqatigalugillu siamasissumik pinaveersaartitsinikkut sammisaqaqtitsisarnissaq.

Taamaamat matumani tunngavigisatsinni cykkiliniq attartortitsisarnerup atorluarneqarsimanerata takutippaa sammisaqaqtitsisarnerup aammalu periarfissaqaqtitsisinnaanerup pinaveersaartitsinermut ilumut akuusariaqarluinnarnera.

Misilittakkat allat iluatsittut

- **Inuusuttut dramartitsineq** suliffissaleqisut inuttullu unittooqqajaasut Dramartitsinikkut pikkorissartinneqarnerat kinguneqarluartoq.
 - **Meeqqat pinaveersaartitsinikkut sammisaqartinneqarnerat** timersornikkut klubbiliartarnermikkullu kajumissuseqartut kajuminngitsut ataatsimut erinarsornikkut katerisinneqartarnerat.
 - **Peqqinneq / Inuttut piumassuseq timersornerlu.**
 - Meeqqat inuusuttuaqqallu timersortartutut peqqissumik piumassuseqartumillu aallussisuuniarunik suut qanorlu iliuusaasinnaanersut suullu pinngitsoorsinnaasariaqartut sillimaffiginissaannut pikkorissaaneq.
 - **”Isumassuineq piginnaanngortitsisoq”** qulequtaliullugit inuunerinnerusinnaanermik innuttaasunut saqqummiussisaqattaarneq.



Taama misilittagarisatta ilaannit

- Annikikkaluamik saqqummiussaqaalarpunga -

Nalunaarusiamik saqqummiussaqaarsimanerput
aallaavigalugu peqqinnissamut pisortaqarfimmiut
soqutiginnissimanerat

Maniitsumi Familiecenterimi suleqatigut sinnerlugit
qutsavigaassi.